



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

6. Imitatione Christi, præ gaudio eligentis Crucem, Humilitatis gradum supremum concendit, S. Ignatius Lojola, Hispanus.
-
-

Nutzungsbedingungen

[urn:nbn:de:hbz:466:1-55449](#)

CVLTRIX CRVCIFIXI. 13

dam imitandi studio , atque in se ipsum, quasi tanti sceleris auctorem acerrimè exar-
descebat . Ac nisi eum cohibusset existima-
tionis ratio propter salutem aliorum , SIMU-
LATA DEMENTIA , ad plebem in se conci-
tandam , nulus , onustusque cornibus , aut
alio fœdo corporis habitu prodire non dubitasset
in publicum , & incessantes cano vel stercore
pueros , vocesque improbas , & omnes alias
insanae multitudinis contumelias libentissimè
pertulisset.

Eiusdem illud fertur monitum amico
datum : *Sis Mundo DEMENS , ut sapias*
Domino , quia quod STVLTVM est DEI Sa-
ientius est hominibus.

P

a In examine cap. 4. 44. Summarij Reg. 11.

b Lib. 5. cap. 3. c Lib. 3. cap. 3.

VI.

AMATOR CRVCIFIXI

Imitatione Christi præ gaudio eligentis
Crucem , Humilitatis gradum
supremum concendit.

IN hoc consistit perfectissima CHRI-
STI PASSI imitatio, atque hominis
Christiani ex amore operantis sum-
ma perfectio , ad quam suos perducere
conabatur IGNATIVS, proponens ijs
tres GRADVS HUMILITATIS ; quorum
Supremum Amatores suos docuit ex-
emplo

6.
IGNATIVS
LOIOLA
Hispanus.

emplo in PASSIONIS SCHOLA Magister
cælestis , quando proposito sibi gaudio, ele-
git , sustinuitque CRUCEM, confusione con-
tempta.

PRIMVS GRADVS est ad salutem ne-
cessarius; ut me penitus subdam Divinæ
legi observandæ , utque ne mundi qui-
dem totius oblato mihi dominio , vel
extremo vitæ discrimine objecto trans-
grediar ex deliberato mandatum ullum
divinum, aut humanum , quod quidem
peccati mortalis vinculo nos obliget.

Hic Gradus tantam subjectionem,
quâ quis se mandatis DEI , Ecclesiæ, &
Superiorum subjicit , & tantum bono-
rum temporalium continet, ut nec om-
nium bonorum prosperitatumque hujus
mundi spes , nec omnium adversitarum
timor me ad aliquod peccatum mortale
inducere possit.

SECUNDVS est majoris perfectionis,
ut fixo animo ad divitias, paupertatem,
honorem, ignominiam, brevitatem vitæ
ac longitudinem æquè sim propensus,
ubi æqualis est divinæ laudis , & salutis
meæ occasio , utque nulla humanæ,
quantæcumque felicitatis, vel propriæ
mortis conditione propositâ adducar
unquam , ut culpam licet venialem tan-
tum decernam admittere.

GRADVS iste tantum bonorum tem-
poralium contemptum continet , ut,
quantum

IMITATRIX CRUCIFIXI. 15

quantum in me est, ita me dispositum inveniam, ut, posita æquali DEI gloriæ, & meæ salutis occasione, non sentiam majorem affectum ad divitias, quæ ad paupertatem; ad honorem, quæ ad ignominiam; ad longam, quæ ad brevem vitam. Tantam præterea Gradus hic habet subjectionem circa mandata DEI, ut pro nulla re mundi, proposita etiam morte, peccatum veniale delibera- ratè velim committere. Quod requirit conformitas cum DEI voluntate, non tantum, quoad graviora DEI præcepta, quæ ad gravem culpam, sed etiam quoad minora, quæ non nisi ad leve & veniale peccatum obligant.

TERTIVS Humilitatis Gradus est ab- solutissimæ, qui in eo consistit, ut, etiam si nullo superaddito, laus DEI par foret; ad majorem tamen imitationem CHRISTI, eligam potius cum eo paupere, spredo, & illuso, paupertatem, contem- ptum, & INSPIENTIA titulum ample- ëti, quæ opes, honores, & sapientia estimationem.

Hic Gradus includit præcedentes, atque illis aliquid superaddit: deinde non tantum supponit indifferentiam ad paupertatem, & ignominiam, & ad reliqua, quæ Mundus contemnit, & odit, sed & inclinationem ad illa; & non tan- tum requirit subjectionem, quoad man- data

16 SOCIETAS IESV

data Dei , tam majora , quām minora ,
sed etiam quoad sensum & beneplaci-
rum Divinæ voluntatis , desiderando
illud iter inire , quod ipse nobis suo ex-
emplo ostendere dignatus est . Nimi-
rum , ut sincerus AMATOR CRUCIFIXI ,
se CHRISTO PASSO , & in CRUCE exten-
so magis conformet , vivamque se ejus
imaginem exhibeat .

ITA QVE , quamvis Amator CRUCIFIXI
possit admittere honorem , & divitias
absque peccato veniali ; immò non solum
sine peccato , sed etiam eō casu , quo ijs
admittendis aut rejiciendis major Dei
gloria , aut major animæ ejus utilitas se
non proderet ; nihilominus , quo se magis
conformet , similemque CHRISTO PA-
TIENTI efficiat , cupit , & eligit magis
paupertatem cum CHRISTO , quām di-
vitias ; & optat magis injurias & oppro-
bria cum CHRISTO ijs saturato , quām
Mundi hujus vanos honores ; magisque
desiderat contemni , & pro IESV CHRI-
STI amore , qui albâ indutus veste irri-
sus fuit , STVLTVS haberi , quām in oculis
Mundi sapiens & prudens videri .

HÆC est arcana perfectionis , patien-
diique disciplina , nisi Philosophiam ma-
lis dicere , secundum quam , ut elegan-
ter differit præclarus Orator e , qui
CRUCIFIXO est Devotus , ex duabus
se offerentibus semitis , quarum utra-
que

AMATRIX CRUCIFIXI. 17

„ quæ paritum propriæ utilitatis , tum
„ divinæ gloriæ compendio , ducat ad
„ felicitatem , ita tamen , ut altera rosis
„ vernet , perque hujus vitæ commoda
„ omnia , honorum gradus , famam , glo-
„ riāmque nominis ducat , altera vero
„ spinis undique obsita , labores , crucia-
„ tus , infamiamque maximam adferat
„ ingredientibus , hanc nihilominus
„ præfert , & ingreditur ; nulla quidem
„ alia caussa , nisi ut Cruciatuum CHRIS-
„ TI Domini imitationem aliquam
„ præferat.

„ Quod non ardentiſſimè amantibus
„ absurdum profectò videri posset : quis
„ enim ex spinis ea poma carpat , multâ
„ cum manuum laceratione , quæ po-
„ test in rosâ colligere ? Sed abditam
„ hanc & vulgo ignotam imitandi Ma-
„ gistrum doctrinam , ex assidua Cru-
„ ciatum CHRISTI contemplatione ,
„ & inflamatissimo erga CRUCEM ac
„ CRUCIFIXVM amore IGNATIVM hau-
„ fisse non ambigas .

a Libello Exercitiorum *Hebdom. 11.*

b Ludovicus de Palma in *Praxi libelli Exer.*

c Ioannes Rhô *Histor. Virt. lib. 3. cap. 2.*

d *Hebræer. XII. 2.*